



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Enchiridion Sev Manvale Episcoporum Pro Decretis in
Visitatione, & Synodo, de quacumque re condendis.**

Gavanti, Bartolommeo

Venetii, 1650

11 Declaratio de eadem re.

urn:nbn:de:hbz:466:1-9534

patisse, necon & suspensionis à diuinissi vērō Clerici sacerdotes, priuationis pariter suorum officiorum, suspensionis à diuinis, & ab administratione Sacramentorum, executione que suorum ordinum respectivè, alijisque arbitrio prædictorum Ordinariorum, seu Inquisitorum pro modo culpæ infligendis pœnis plectendo.

Qui autem libros impresserint, aut Imagines pinxerint, sculperint, seu quoquo modo effinxerint, vel formauerint, ceterique Artifices circa præmissa qualitercumque delinquentes, prædicta omnia amittant, & insuper pecuniarijs, alijisque etiam corporalibus pœnis, iuxta criminis grauitatem, eorumdem Ordinariorum, seu Inquisitorum arbitrio afficiantur.

Contrarijs quibuscumque non obstantibus.

X I.

Sequitur declaratio prædicta prohibitionis.

Postmodum verō idem Sanctiss. D. N. à quibusdam reuocari in dubium accepit. an Tabellas, & Imagines, quas in posterum offerri contigerit, recipere, & antea oblatae conservare liceret, Sanctitas Sua, quæ tātummodo voluit, occurrendo abusibus, qui irrepere videbantur, certiore parare, viam ad eorum in terris gloriā, quorum sanctimoniam diuinæ clementiæ placuerit admirandis operibus illustrare, prius cum Illustris. & Reuerendis. DD. Cardinalibus contra hæreticām prætationem generalibus Inquisitoribus communicata, præsenti Decreto declarauit. Quod sicut numquam prohibuit, nec sua intentionis fuit prohibere oblationem, receptionemque Tabellarum, & Imaginū huiusmodi, ita, ut nulli deinceps hæsitationi locus relinquatur, statuit in præsentiarum, & decernit, ut quoties ad aliquam Ecclesiam, aut Oratorium, locumq; aliū publicum, sacerdalem, seu re gularem Tabellas, & Imagines, aliudū simile quipiam detulerit, ac intercessione hominum inter Santos, vel Beatos non adscriptorum, quamvis, cum martyrii, vel sanctitatis fama demortuorum, optata se impetravisse dixerit, liceat Ecclesiasticis personis, Ecclesiarum, locorumq; prædictorū curæ Præpositis, Tabellas, & Imagines, siue pictas, siue ex quaquis materia fictas, atque alia quæcumque collatæ gratiæ fidem facientia simul cum deferentis, aliorumque, qui conscijs fuerint attestacionibus recipere, atque approbantibus Ordinarijs, ad quos referre statim omnia tenetur, in secreto, aliquo seorsum ab Ecclesia, loco custodiore, ibiliisque iam amora collocare, & asseruare, ut si quando Dominus talium virorum me rita Beatificatio-

nis, seu Canonizationis honore in terris decorare voluerit, extent huiusmodi sanctitatis qualescumq; probationes, A postolicae Sedis iudicio tunc examinanda, Contrarijs quibuscumquonon obstantibus.

Io. Antonius Thomasius S. Rom. & vniuersitatis Notarius.

X I I.

De celebratione Missarum.

V R B A N V S V I I I.
Anno 1625. 21. Junij.

Primò districte prohibet, atque interdit, ne Episcopi in Diœcesana Synodo, aut Generales in Capitulis generalibus, vel alias quoquo modo reducant onera vlla Missarum celebrandarū, aut post idē Concilium imposta, aut in limine fundationis; sed pro his omnibus reducendis, aut moderandis, vel commutandis, ad Apostolicam Sedem recurratur, quæ, re diligenter perspecta, id statuet, quod magis in Dominio expedire arbitrabitur: alioquin reductiones moderationes, & commutationes huicmodi, si quas contra huius prohibitionis formam fieri contigerit, omnino nullas atque inanes decernit.

Deinde, ubi pro pluribus Missis, etiam eiusdem qualitatibus, celebrandis, plura stipendia, quantumcumque incongrua, & exigua, siue ab una, siue à pluribus personis collata fuerunt, aut conferentur in futurum Sacerdotibus, Ecclesijs, Capitolis, Collegijs, Hospitalibus, Societatibus, Monasterijs, Conventibus, Congregationibus, Domibus, ac locis pijs quibuscumque tām sacerdibus, quām regularibus, Sacra Congregatio sub obiectione diuini Iudicij mandat, ac præcipit, ut absolue tot Missæ celebrantur, quot ad rationem attributę eleemosynæ præscriptę fuerint, itaut alioquin ij, ad quos pertinet, siue obligationi nō satisfaciāt, quinimō grauter peccet, & ad restitutionē teneātur.

Id verō ut deinceps obseruetur exactius, & Sac. Congregatio eadem auctoritate reuocat priulegia, & indulta omnia quibusvis personis, Ecclesijs, ac locis pijs, tām sacerdibus, quā regularibus, cuiuscumque Ordinis Congregationis, & Instituti, quamcumque ob causam concessa, quibus indulgetur, ut certarum Missarum, vel Anniversariorum celebrationē, aut aliquibus collectis, seu orationibus, plurium Missarum oneribus in futurum suscipiendis satistiat.

Ac similiter, omne damnabile lucrum ab Ecclesia remouere volens, prohibet Sacerdoti, qui Missam suscepit celebrādā cum certa elec-

mo-